

Inversion di 26 Miyon pa proyecto Swain Wharf

ORANJESTAD(AAN)— Un inversion di 26.154 Miyon Dollar, lo acompaña realizacion di e proyecto Swainwharf, cu lo tin como nomber Harbourtown. E proyecto a keda presenta como e unico facilidad completo pa turistanan na Aruba.

Diahuebs a cuminza

simbolicamente cu e construccin di Harbour Town, e proyecto di Robert Swain.

Unabez e proyecto worde concretiza, e lo acomoda un hotel di 240 camber, casino, diferente boutiques, tienda, restaurant y cafeteria mescos cu un marina y dok pa boto-nan.

E promer parti di realizacion di e proyecto a keda termina y un waf di 10 hectare cu ta keda na entrada di haf, lo mester bay acomoda e facilidadnan menciona.

E proyecto ta worde desaroya pa Harbour Town Development Corporation N.V., funda pa Robert Swain, kende ta fungi como Presidente y Managing Director di e compania Arubano.

Encarga cu e operacionnan na Aruba lo keda Leo van Veen, kende ta fungi como Vice

Presidente di e compania.

Contratista principal a bira Interbeton, cu a realiza diferente construccin grandi y tin hopi experiencia ariba e tereno.

Construccin di Harbourtown lo tuma dos aña. Durante construccin 250 persona lo haya trabao y unabez e proyecto keda realiza 400 cupo permanente di trabao a worde crea.



Representanten di Gobierno y invitadonan na inicio di realizacion di e proyecto..



BARATILLO

Valido: AWE y MAÑAN

RESTANTEN
DAMESKLEDING
NU 1/3 VAN DE PRIJS

wullsen & wullsen

HERENKLEDING
RESTANTEN
NU
1/2 PRIJS

wullsen & wullsen

Nassaust r. 52
ARUBA

Preparacion pa "Aruba Jazz & Latin Festival" ta sigui

ORANJESTAD(AAN) — Eventonan di interes internacional ta un di e instrumentonan importante cu Gobierno di Aruba ta concentra ariba pa especialmente den e tempo di "off season" mantene e actividad necesario den e sector turistico pa e hendenan y na e mesun momento duna Aruba mas publicidad internacional.

Pa e luna di Juni e "Aruba Jazz & Latin Music Festival" ta muestra di ta prometededor. Tanto na Aruba como Internacionalmente preparacionnan ta ser haci pa e festival di caliber internacional aki. Tin varios artistanan cu ta bay presenta durante henter e luna di Juni den Mansur Ballpark.

E schedule cu a worde traha pa e presentacionnan di e artistanan ta lo siguiente:

JUNI 3:
Michael Frank, Yellow Jackets, Hiroshima.
JUNI 4:
George Benson, Diane Reeves.
JUNI 5:
Celia Cruz, Willie Colon

Orchestra, Tito Puente.

JUNI 10
Kirk Whalum, Jean Luc Ponty

JUNI 11
Al Jarreau, Najee

JUNI 12
Paquito D'Rivera, Mongo Santamaria

JUNI 17
D'Javan, Koinonia, Ivan Lins

JUNI 18
Tania Maria, The Wave

JUNI 19
Ruben Blades

JUNI 24
Jose Feliciano

JUNI 25
Spyro Gyra, Al DiMeola

JUNI 26
Henry Butler, Count Basie Orchestra, Diane Schuur.

Tambe lo bay tin presentacion di gruponan musical local di nivel internacional durante henter e evento aki. Tin bastante interes pa e festival aki na Curacao, Venezuela, Colombia, y St. Maarten.

Na Merca tambe propaganda ta ser haci pa e festival. Den tur trade-show di agencia di viahe cu ta ser teni actualmente den e ciudadnan na e costa este di Estados Unidos e festival ta worde propaganda.

Den e proximo siman lo bin mas informacion encunto e festival y e artistanan internacional cu lo participa

Telefoonnan di Diario
Tel: 26747
Tel: 22207
Tel: 35026